

BIBLIOGRAFIA

I RECENSIONES (*)

IUS CONSTITUTIONALE MISSIONUM (**)

III. auctor per suas publicationes tangentes imprimis ius canonicum, imprimis notandum Commentarius in Iudicia ecclesiastica iuxta C. I. C. Auctore Michaelae Card. Lega, curante Victorio Bartocetti, Romae, III volumina, pag. 1.500, anno 1938-41, exponit post praecipuam bibliographiam ius constitutionale Missionum. Nemo dubitabit de auctoris competentia in hac materia; nam per plures annos munere Officialis (Minutante) pro extremo Oriente in S. C. D. P. F. functus est necnon munere professoris iuris missionarii in Instituto missionali scientifico Athenaei Urbani de Propaganda Fide. In primo ex decem et novem capitibus B. circumscribere studet conceptum haud facilem illius "territorium missionale", indicando pro iudicio ferendo criteria negativa et positiva; quae criteria digna sunt omni scientificorum attentione; deinde in sequenti capite instituitur "excursus chronologicus de potioribus decoumentis ex Collectanea SCDP. F." Ex quo excursu nobis patent magnae illae difficultates quae creantur in missionibus ratione missionariorum, qui assumuntur ex diversis Institutis, ratione regiminis, quod in istis regnat, ratione relationis missionariorum ad Praefectos et Vicarios Apostolicos necnon ad Superiores religiosos; insuper tangitur gravis quaestio de clero indigeno. In tertio capite B. evolvit haud minus instructive potiores formulas documentorum apostolicorum relatione ad commissionem. Sub nomine commissionis auctor intelligit demandationem certi territorii missionalis ad certum coetum sacerdotum sive saecularium sive religiosorum. De hac commissione scribit B. in n. 25: "Commissio... missionum." Sequentia capita tangunt idem obiectum sub diversa ratione; primo est sermo de commodis praecipuis commissionis, quae hisce verbis auctoris in n. 103 exprimi poterunt: "ea brevi... redactura"; in capite sexto illustratur finis commissionis, qui est idem ac finis ipsius missionis. De iuribus et officiis contrahentium disserit caput septimum; velim notare, quae scribit M. in n. 267, sq. hisce verbis: "Pius XI addit: ... in puerisque locis." Duratio commissionis, contractus, qui propinquiore videntur commissioni, radix peculiaritatum iuridicarum territorii commissi, et erectio huiusmodi territorii commissi exponuntur a capite VIII-XI. Quaestio de nominatione episcopi, de gubernatione Episcopi in missione, de diarchia Superioris ecclesiastici et Superioris Religiosi in missionibus commissis tangitur in cap. XII-XIV. Vigeat illud, Instructionis 8 dec. 1929: "Unde apparet... agenti." Duo sequentia capitula sese referunt ad iurium tuitionem et arduam questionem bonorum Instituti et missionis. Maioris adhuc ponderis est quaestio de clero

(*) Según la práctica usual, daremos aquí una recensión de cuantos libros de Derecho canónico o materias afines se nos envíen en doble ejemplar (caso de no tratarse de obras de subido precio). De las demás obras daremos únicamente noticia de haberlas recibido.

(**) VICTORIUS BARTOCETTI, *Ius Constitutionale Missionum*, L. I. C. E. R. Berruti e C. Torino.